

Broj: 03-02-5-182/20
Sarajevo, 16.01.2020. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

SARAJEVO

N/r Sekretara

PREDMET: Odgovor na delegatsko pitanje, dostavlja se.-

Veza: Vaš akt, broj: 05/2-02-181/19 od 27.12.2019. godine

| Bosna i Hercegovina Federacija Bosne i Hercegovine PARLAMENT FEDERACIJE SARAJEVO | | | |
|---|--------|---------|------------|
| Org. jed. | Broj | Priloga | Vrijednost |
| 05/2 | - 02 - | 281/19 | |
| Primijeno: 23-01-2020 | | | |

Poštovani,

Dana 09.01.2020. godine kod Federalnog ministarstva financija –finansija zaprimljen je Vaš akt, broj i datum veze, u prilogu kojeg je dostavljeno delegatsko pitanje, koje je postavio Boris Krešić, delegat u Domu naroda Parlamenta Federacije BiH.

Naime, imenovani delegat postavlja pitanje koje se odnosi na Izvještaj o finansijskoj reviziji Univerziteta u Tuzli u Tuzlanskom kantonu, u smislu da Univerzitet u Tuzli angažovanje vanjskih saradnika za obavljanje redovnih sistematizovanih poslova vezanih za izvođenje nastave mora vršiti u skaldu sa odredbama Zakona o radu, pa je nejasno na koji način Univerzitet može vršiti djelatnost visokog obrazovanja ukoliko ima najmanje jednu polovinu nastavnika i jednu polovinu asistenata u radnom odnosu sa punim radnim vremenom a preostalo akademsko osoblje može se angažovati iz privrednog, naučno-istraživačkog i sličnog okruženja, pa je pitanje koji je to drugi pravni osnov angažovanja osoblja za izvođenje nastave moguć prema Zakonu o radu uzimajući u obzir navedene zakonske propise i Odluku Vlade Federacije da se djelatnost visokog obrazovanja može obavljati ukoliko visokoškolska ustanova ima najmanje jednu polovinu nastavnika i asistenata u radnom odnosu sa punim radnim vremenom, te na koji način se može angažovati akademsko osoblje sa drugih univerziteta a koje na tim univerzitetima ima zaključene ugovore o radu na puno radno vrijeme.

S tim u vezi, Federalno ministarstvo financija – Federalno ministarstvo finansija u okviru svojih nadležnosti i u skladu sa podacima kojim raspolažemo, navodi slijedeće:

Problematika visokog obrazovanja odnosno način rada i uslovi za obavljanje nastave visokoškolskih ustanova nije u nadležnosti Federalnog ministarstva financija-finansija. S tim u vezi ovo ministarstvo nije u mogućnosti davati upute univerzitetima na koji način će angažovati nastavno osoblje, niti je ovaj organ u nadležnosti tumačenja Zakona o radu („Službene novine Federacije BiH“, broj 26/16 i 89/18).

Međutim, sa aspekta djelokruga rada ovog organa, u svakom slučaju, kod angažovanja nastavnog osoblja bilo da se radi o osobama prijavljenim na puno radno

vrijeme, rezidentima ili nerezidentima Federacije BiH, smatramo da je potrebno voditi računa o ispravnosti obračuna i uplate doprinosa i poreza na dohodak, posebno sa aspekta da li se u konkretnom slučaju radi o samostalnoj ili nesamostalnoj djelatnosti.

S poštovanjem,

MINISTRICA

Jelka Miličević

Co.

Vlada Federacije BiH

